

محل مطبعه و اداره :

جفال اوغلنده امنيت

صندوغى جوارنده

شنگول يقوشنده

۲۲ نومرو

مستطابق

امضاء :

مسلکمزہ موافق آثار

جدیدہ مع الممنونیه

قبول اولنور

درج ایدله یں آثار اعاده اولنماز

دیر ، فلسفه ، علوم ، حقوق ، ادبیات ، تاریخ ، سیاست ، و بالخاصه احوال و مشورہ اسلامیه در بحث ایدر و لطفه ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلغی	غروش
۶۵	۳۵	۳۵
۶۵	۳۵	روبله
۱۷	۹	فرانق

عدد : ۱۱۴

۸ ذی القعدة پنجشنبه ۲۸ تشرین اول ۳۲۶

بشنجی جلد

«یاغمه یوق ا»

کوردیکمز ولایت غزنه لری آره سنده وظیفه سنی الثاني ایفا ایدن بزه قالورسه ، «اسکیشهر» آرقداشمزدر . ولایت غزنه لری نیک وظیفه سی ، اعتقاد مزه کوره استانبول کونده لکری نیک سیاسی مقاله - لرندن فکر و شکل اودونج آلاق ولایت خلقتک قناسنی پکده اکلایه میه جقاری وهله هیچ استفاده ایده میه جکری ، عالمانه یازیلیمش سیاست جهانشمول بندلری ایله شیشرمک دکلدر . احتیاجات محلیه دن کوروب ، اکلا یوب بحث ایده رک ، هر یازیدن او قویو جیلره بر حصه منفعت بخش ایتکدر .

بز یویولده یازیلری ، انجق «اسکیشهر» ده بولیورز ، حتی «اسکیشهر» ک سیاسی مقاله لری ده ، صرف سوز اوله ، دیه سیاستفر - و شلق ایتک ایچون اولمایوب ، بر مقصد تعقیب ایذیلرک یازیلور . باقکمز ، مثلاً مستان اسماعیل بک افندی نیک ، اشاغی به بعض قسملری نقل ایتدیکمز ، باش مقاله سنه :

«آناطولی ، روم ایلی کی ایکی مائل سطح دن عصر لرجه استانبوله آقان ثروت سیل لری نیک اوتیه بری به صیچرایان بعض سرینتیلری مستشما اولق اوزره هپی دکزه ، مرمره دن پک چوق کنیش ، اوندن خیل درین اولان سفاهت دریاسنه دو کوله رک قاینامش کیتمشدر . انسانلغه یو کله تیلمسنه تاریخک حیرت ایده جکی غریب بر تعهدله ، اوتهدن روم ایلی ، بریدن آناطولی ییچاره لری ، شوپزانس کبارلری بیله مک ، هم بریتیم ، بر دول ، بر کوتوروم کی بیله مک ایچون عمرلری ، کونلری تلف ایتدکری حالده ممکن دکل ، بو آچ کبارلری دیوره میورلردی .

بزم اونلره ویردکریمز ، برخراجیدی ، بر صدقه میدی بیلم ؛ فقط او یله بر تعامل حالتی آلمشدی که : هر نه مز اولورسه استانبول لیرک آغیزلرینه آتمق ، - بزجه - بروظیفه ، الیزده هر نه بولورلرسه چکوب آلمق - اونلرجه - برحق صیره سنه کیرمشدی .

اونلرک بزه یالکیز حقاری واردی ؛ لاکین بوکا مقابل هیچ بر وظیفه لری یوقدی . بز چالیشوب چابالایوب بوتون قازاندیقمزی کندیلرینه تسلیم ایده جکمز ، اونلرده دورت باشی معمور یاشایا جقاردی . بز اونلرک ایراد لریمدق ، داوار سورولری میدک ، آره لقلریمدق ؛ نلر ایدک ؟ بوراسی قطعاً بللی دکلدی .

بز قازانه لم ؛ باشقه لری بیسین . بز حیوانلقدن بر پارمق ایلری کیتمه یلم ؛ تک باشقه لری آدام اولسونر ؛ قاعده سی ، چاپو لیلیق ، یاغما جیلیق ، دورینه عاڈ رزالتلردندی . مشروطیتک بزجه آکلا - شیه بیلیر مغناسنی ده یاغما یوق ؛ تعیرینک افاده ایلدیکی مفهومدر . مشروطیت دیمک یاغما یوق ؛ دیمکدر .

او یله ایسه ، بزه مکتب ، معلم ویرمه دیککمز حالده کتیرک بقالم شو معارف تخصیصاتی ؛ دیدیکزمی ، تخصیصات یرینه بو جوابی آلیرسکمز : یاغما یوق ! .»

نصل حکومت بورکی اطرافنه ییغیلانلرک ، سابق اولسون ، لاحق اولسون ، هپسک قولقلرینه کویه ایدیلوب اصیلاجق قدر جوهرلی سوزلر دکلی ؟

شون

دولت عثمانیه :

مرهم بر فتوا . - بوسنه مسلمانلری برده اسلام بانقه سی تأسیسنه احتیاج طومشلر فقط بانقه معا لاتنک شریعت اسلامیه جه وعدم جوازی ممالک اسلامیه ده مسائل مختلف فیها دن عد ایدیلیمکده اولدینی جهته بوبابده مقام مشیخت اسلامیه دن استفتایه لزوم کورمشلدر . مقام مشیخت سؤال واقعی دائرة جلیله فتوایه حواله ایلیمسی اوزرینه فتوا خانه عالدن ۲۸ شوال ۳۲۸ تاریخله آتیده کی مذکره تحریر ایدلشددر : فوائد ومحسنات کثیره تأمین ایلیه جکی لدی المذاکره تبین ایلدیکی جهته بوسنه ده بر اسلام بانقه سی تأسیسنک جواز شرعی به مقارن اولوب اولدینی استفتاسنی متضمن ۱۰ شوال ۳۲۸ تاریخله مورخ وفخرالدین دمیر ویک امضاسیله ممضی اوله رق مقام جلیل فتوا پناهیلرینه بالورود بیان مقتضای شرعیسی ضمننده فتوا خانه به حواله بویوریلان عریضه مطالعه ایدلدی . معلوم عالی شیخ الاسلامیلری اولدینی اوزره مذکور بانقه سیه تودیع واقراض وادانه وتبديل ویا صور سائر ایله بر اقیلان و آلمان مبالغ خصوصنده مسائل شرعیه سنه توفیق معامله اولدینی واز جمله ادانه واستدانه ده حاصل اوله جق نما الزام ربح یعنی فقهای کرامک بیان بیوردقلری طرک بریسیله دور شرعی اجرا ایدلیدی تقدیرده مشروع وحلال اولور ، اولبابده .

روسیه

تاشکندره ترک جاسوسلری (۱) . - شکندره ترک جاسوسلری دیهرک ۳ عربی پوایس توقیف ایله مش . بعده بولری یرلی مسلمانلردن بریسی بیوک پاره ویره رک کفالته آلمش . بونی خبر ویرن «وقت» رقیقمز شو مطالعه بی علاوه ایدیور : «تورک جاسوسلری بوراده نه کززر ! اولسه اولسه بدل طویلامیه کلش آچ آدلردر ...» تاشکندره بو عربلرک توقیفندن بر آز اول ؛ عرب قیافتده اوچ انکلیر جاسوسی توقیف اولندی دیه ده بر خبر واردی .

چین

ایله ولایتی غزنه سی محریبه مظافات . - چینده تورکجه چیقان ایله ولایتی غزنه سی محری عبدالقیوم افندی قارده شمه خاقان چین طرفندن خدمتی ترغیباً برکوش مدالیه اعطا اولمشدر . صمیمتله تبریک ایدرز .

انگلتره :

انگلتره نیک ایرانی تقسیم تشبهنک تاریخی . - لوندرده ساکن اسلاملر طرفندن عقد اولسان بر اجتماعده انگلتره نیک ایرانده کی حرکتی

مضر عدايتكمه در . چونكه ليبرالر بو اولتيا تومك اتفاق مثلك ايله انكتره آره سنده شدتلى بر باب مخاصمه آجه جفته و تركيه نك اتفاق مثلكه برابر حركت ايدرك بالفعول مداخله ايله ايراني حمايه ايتلرينه باعث اوله جفته قانع اولفده و بو سبيله انكيزلرك شرقده برهزيت سياسيه و اقتصاديه اوغرايه جفته حكم ايتكمه درلر .

ایران :

سنى رسيه نى زاعى و رسيه سياسى . — بو هفته نك يوى غزته لرنده آزر بايچانده ۱۳ سنى نك طهران حكوتى عسكرى طرفندن قتل ايدلديكلى خبرنى او قودق . روس مطبوعاتى ايسه ، مطبوعات قسمزده مندرج اولدنى وجهه ، سنى — شى نى زاعى اورته يه چيقاروب وحدت فكريه لرى كيندكجه قوتلشن بوايكي اوز قارده شى بربرينه دوشورمه يه چاليشيورلر . بو ايكي حادثه يى يان يانه قورساق ، واضح برنتيجه الله ايدهرز . شويله كه : روسلر ضبط ايتك ايتدكلى عمالك اسلاميه اهاليلى آراسنه اختلاف و نفاق تخملىر ، صاحبرق مقصدلرينه واصل اواق ايتلر . بونك امثالى متعدد يرلرده كوردك . مثلاً : ۱۹۰۶ سنى روسيه حكومتى قافقاسيه ده كي مسلمان وارنيلر آراسنده كي جزئى اختلافى آله و له مش و بر سنى دوام ايدن و بيكرجه خاتمانى محو ايدن بر محاربه شكلنه تحويل ايتلش ايدى . بخاراده ايسه سنى ، شيميلرى بربرلرينه طوتوشد يردى . بو كي فتنه كارانه ايشلرده روسيه حكومتى خيلى تجربه و مهارت صاحبي اولديفندين ايرانده دنى و خم بر نتيجيه يه وارمى محتمل اولان بر سنى — شيعه نفاق چيقارمه يه چاليشدينى شبهه سزدر . موحدن متيقظ و آگاه بولنسونلر .

طرزده و غايت سهل الفهم بر كتاب يازمش ، و معارف نظارتجه مكافات نقديه مظهر اوله رق مكتبلرده او قونق اوزره درس پروغرامنه ادخال ايدلديكي كي ، باب جليل فتوا تدقيق مؤلفات شرعيه مجلس عاليسندين دنى بيوك تقديرلره نائل اولمشدر .

كتاب ، طلبه و معلملره عائد اولق اوزره ايكي قسمدن مركبدر : طلبه يه مخصوص اولان قسم ، چوجقارلك آكلايه جنى موضوعلر اولوب صرف توركجه بر لسانله يازمش لوحه لردين عبارتدر . معلملره عائد قسملرده بو موضوعلرك چوجقارلك نه صورته القا ايديله چكى واضحا كوسترلشدر .

بوندن باشقه طبعنه ده صوك درجه اعتنا قلنمش و پك نفيس كاغده باصلمشدر . قاب كاغدلرى غايت كوزل ، ظريف رنگلى و چيچكليدر . هر صفحه سوسلو چارچيوهر ايچنه آلمشدر . حاصل چوجقارلك محبت و شوقنى جلب ايچون شمدي يه قدر مكتب كتابلرنده كورولمه ين نفاست طبع جهته ده صوك درجه ده اعتنا ايدلش و تقليدلرينه ميدان و يرمامك اوزره هر نسخه ناشرلرينك مهرلريله تختيم اولونمشدر .

اكر بزده اولادينك استقبالي دوشونن بابالر ، طلبه سنك فكر آلمه سنى ايسته ين معلملر وارسه اولره خطاباً شو كتابك ر كره كوزدن كچيرلمى رجا اولنور .

كتاب صراط مستقيم اداره خانه سى طرفندن نشر ايديلوب حكا كلرده شرق كتبخانه سى مركز توزيع اخذ اولونمشدر . طلبه يه مخصوص قسمك فيثاى (۴۰) معلملرك (۱۰۰) باره در .

پروتستو ايديله رك ايرانده كي عسكرى چكسى ايچون انكتره حكومتك روسيه نرزنده اعمال نفوذه دعوت اولنمنه قرار و يرلشدر .

« صباح » غزته سنى لوندره دن يازدقلى كوره ، شرق احوالى حقنده حكومتلرينك تعقيب ايتديكي سياستدن انكيزلرك بعضيلرى هيچ ده ممنون دكلدر . چونكه انكتره بو حركتيله طبق فرانسه كي شرقده نفوذنى غائب ايديلوركه بوندن انكيز تجارتي منافى مدهش ضررلره اوغرامقده در . انكتره روسيه ايله ائتلاف ايتديكي زماندنبرى زياندن بشقه هيچ بر منفعت نأمين ايدمه مشدر . زيرا شرقيلر روسلرك تعقيب ايله يكي پانسلاويزم پولتيقه سندن بك زياده نفرت ايدرلر و روسلرك اعمال كرده سى اولان بتون صنايعه خفى بويقوت ياپارلر . هيچ بر شرقى كنديلرينك دشمن بى امانى اولان روسلره انكتره نك متقفا حركتى نظر خشنودى ايله كوره من . بناء عليه روسلره قارشى آلدقلى وضعيت باردانه يى انكيزلرده تشميله كنديلرنده بر مجبوريت حس ايدرلر . چونكه بر ملت ، هيچ بر حكومت دشمنك دوستنه نظر لاقيديه باقمه ماز . بو حاللردن شرقده اك زياده استفاده ايدن و ايدمه بيله چك اولان شبهه سز آلمانلار . آلمانلر بصيرتكارانه پولتيقه لرى سايله سنده نفوذلرينى ، منفعت اقتصاديه و سياسيه لرينى كوندن كونه انكيزلرك زيانه اوله رق توسيع ايتكمه درلر . هر نه قدر استاندارد وساير حكومت طرفدارى غزته لر حكومتك حركاتى تصويب و شرقيلرى (تركلره عجملرى) تقبيح و تنقيده ده پك ايلرى كيديلورلر سنده ليبرال مطبوعات باله كس حكومتى شدتله تنقيد ايدرك شرقيلرك بو حركتلرنده ، يعنى اتفاق مثلكه تمايل ايللرنده حقلى اولدقلى و بو حاللره سبب ايسه روسيه — انكتره ائتلافى اولدينى اعتراف ايتكمه وانكتره نك ايران حكومته ويرديكي اولتيا تومى بتون بتون

عملى



مكتبلر ايچون قبول اولنمشدر .

شمدي يه قدر مكتب كتابلرى ايچنده اك اهميت و يريلمه ين بر شى وارسه اوده علم حال كتابلرى ايدى . اوتهدنبىر بله نيلان بر اصولدن آزىچق ايلرى يه طوغرى كيتمكى دوشونمك زائد و لزوم مسز كورولويوردى . اولدقجه تحصيل كورنلرك بيله آ كلامقده مشكلات چكه چكلرى بر علم حال كتابى كور دكنكنى بلله ر كي مكاتب ابتدائيه دن طوتوكزده تا عاليه قدر كاه مامخص ، كاه مفصل نامريله تدريس ايتديلور و زواللى چوجقارلمزه پايان وارى عيى شى هيچ آ كلامه دن تكرار تكرار اذيرله تدريلرك سرسمله شديلوردي . نتيجه ده ، دين جليلمز حقنده هيچ بر فكر حاصل ايدمه مين بر چوق كنجلر يتيشير و بيچاره لرك آجينه حق حاللى بتون عالم اسلامه داغ دوون اولوردى . . ايشته ، نسل احير چوجقارلرينك معلومات دينيه لرينك نقصان قالمسنه اك مهم سبب تشكيل ايدن شو جهتي نظر دفته آلان صراط مستقيم جريده اسلاميه سى هيئت تحريريه سندن حليم ثابت افندى اشبو محذورى بر طرف ايتك اوزره (عملى علم حال) ناميله بوسبتون باشقه ، فوق العاده نافع بر